



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-145-3/26**

Datum: **09.07.2026. godine**

«Agencija za vodno područje rijeke Save» Sarajevo rješavajući po zahtjevu Mesarskog obrta «MEŠA» vl. Mantić Mehmed, za donošenje rješenja o vodnoj dozvoli za ispuštanje tehnoloških otpadnih voda sa lokaliteta objekta namjene - prerada mesa, proizvodnja suhog mesa i mesnih proizvoda u naselju Vjetrenice, grad Zenica, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Mesarskom obrtu «MEŠA» vl. Mantić Mehmed daje se vodna dozvola za ispuštanje tehnoloških otpadnih voda sa lokaliteta objekta namjene - prerada mesa, proizvodnja suhog mesa i mesnih proizvoda izgrađenog u naselju Vjetrenice na zemljištu označenom kao k.č. broj: 1823/1 K.O. Čajdraš, grad Zenica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog objekta i uz sljedeće uslove:
 - 2.1. Da se predmetni objekat, lociran u naselju Vjetrenice, grad Zenica, održava u funkcionalnom stanju i koristi u skladu sa namjenom i uslovima iz ove vodne dozvole.
 - 2.2. Da se za vrijeme trajanja ove dozvole obezbijedi da se tehnološke otpadne vode nastale u postupku prerade mesa te pranjem instalirane opreme, uređaja i alata, podova i radnih površina nesmetano sakupljaju i odvoze na tretman u septičku jamu s prelivom u mjesnu kanalizaciju. Krajnji ispuštanje prečišćenih voda je u Čajdraški potok.
 - 2.3. Prečišćene otpadne vode prije ispuštanja u recipijent moraju ostati u granicama maksimalno dopuštenih vrijednosti, definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.4. Objekte koji se koriste u svrhu prikupljanja, odvodnje i tretmana tehnoloških otpadnih voda nastalih na lokalitetu objekta (kanalizaciona mreža, slivnici, slivničke rešetke, septička jama...) potrebno je održavati i koristiti na način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.5. Čišćenje i održavanje septičke jame može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o praznjenju i odvozu taloga iz septičke jame kao i o preuzimanju eventualno nastalog animalnog i ostalog otpada.
 - 2.6. U skladu sa propisima iz oblasti zaštite okoliša, vršiti bezbjedno i redovno skupljanje čvrstog opasnog i neopasnog otpada sa kompletnog kruga objekta, isti propisno skladištiti do njegovog konačnog zbrinjavanja od strane ovlaštene organizacije.
 - 2.7. Prakticirati suho čišćenje podova i opreme prije pranja vodom kako bi se uklonile organske nečistoće sa radnih površina, smanjila potrošnja vode za pranje i smanjilo zagađenje.
 - 2.8. Sadržaj (mulj) iz septičke jame, otpad nastao u postupku prerade mesa kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotok i na njegove obale.
 - 2.9. Vlasnik, odnosno korisnik predmetnog objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima

- ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.10. Vlasnik, odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i članu 129. Zakona o vodama se daje s rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane Mesarskog obrta «MEŠA» vl. Mangić Mehmed dana 09.04.2026. godine podnesen je ovoj Agenciji zahtjev za donošenje rješenja o vodnoj dozvoli za ispuštanje tehnoloških otpadnih voda sa lokaliteta objekta namjene - prerada mesa, proizvodnja suhog mesa i mesnih proizvoda izgrađenog u naselju Vjetrenice na zemljištu označenom kao k.č. broj: 1823/1 K.O. Čajdraš, grad Zenica.

U provedenom postupku dostavljena je i pregledana sljedeća dokumentacija:

- Ovjerena kopija lične karte vlasnika obrta – Mangić Mehmeda iz Zenice,
- Kopija Rješenja o odobrenju obavljanja vezane obrtničke djelatnosti broj: 04-21-5042/10 B.H. izdatog dana 08.12.2010. godine od strane Službe za ekonomske odnose i poduzetništvo Općine Zenica,
- Ovjerena kopija Uvjerenja o poreznoj registraciji poreznog obveznika izdatog dana 02.08.2022. godine od strane Porezne uprave Federacije BiH - Kantonalni porezni ured Zenica,
- Kopija Rješenja o upotrebi objekta broj: 06/23-5-2722/03 izdatog dana 18.08.2003. godine od strane Službe za prostorno uređenje Općine Zenica,
- Glavni projekat – arhitektura sa instalacijama – poslovni prostor za proizvodnju suhog mesa i proizvoda od mesa urađen od strane «PERSPEKTIVA» Visoko, 2001. godine - na uvid,

- Ovjereni kopija Rješenja broj: 06-17-13956/22 o usklađivanju poslovanja odobrenog vezanog obrta izdatog dana 10.10.2023. godine od strane Službe za privredu, gradsku imovinu i upravljanje razvojem Općine Zenica,
- Kopija Rješenja o vodnoj dozvoli broj: UP-I/25-3-40-543-4/20 izdatog dana 16.02.2021. godine od strane «Agencije za vodno područje rijeke Save» Sarajevo,
- Kopija Rješenja o ispunjavanju propisanih veterinarsko-zdravstvenih uslova broj: UPI-05-20-9011-2/24 izdatog dana 21.10.2024. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Ugovora broj: 1096/26-DS o čišćenju i odvozu taloga iz septičke jame zaključenog dana 16.06.2026. godine između Mesnog obrta «MEŠA» d.o.o. Zenica i «DELTA PETROL» d.o.o. Kakanj (prilog: kopija fakture broj: 002229-1 od 18.06.2026. godine),
- Kopija Izvještaja o monitoringu kvaliteta i kvantiteta otpadnih voda Pogona za preradu mesa Mesarskog obrta «MEŠA» vl. Mangić Mehmed broj: 1827/25, septembar 2025. godine urađen od strane «Inspekt-RGH» d.o.o. Sarajevo,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta u naselju Vjetrenice, grad Zenica i tom prilikom je sačinjen Zapisnik o uviđaju broj: UP-1/21-3-40-145-2/26 od 12.06.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni objekat namjene – prerada mesa, proizvodnja suhog mesa i mesnih proizvoda izgrađen je u sklopu stambenog objekta vlasnika Mangić Mehmeda u naselju Vjetrenice, grad Zenica.

Za potrebe prerade i proizvodnje kupuje se svježe otkoštano meso. Mjesečni kapacitet prerade/proizvodnje je: suhomesnati proizvodi (suha goveđa pečenica i slični proizvodi) do 5000 kg, kobasice (sudžuk, čajne, hrenovke) do 3000 kg, proizvodi od usitnjenog mesa (čevapi, pljeskavice) do 1000 kg.

Tehnološke otpadne vode nastale u procesu prerade mesa, pranjem i sterilizacijom instalirane opreme, uređaja i alata, mašina za pripremu nadjeva, pranjem podova i radnih površina prikupljaju se zasebnim kanalizacionim sistemom i odvoje na tretman u septičku jamu. Preliv iz septičke jame je, preko okna za monitoring, u mjesnu kanalizaciju sa ispustom u Čajdraški potok (pritoka rijeke Kočeve). Pranje podova, opreme i alata se praktikuje toplom vodom uz upotrebu deterdženata.

Snabdijevanje vodom je obezbijeđeno putem priključka na gradsku vodovodnu mrežu a sanitarno fekalne vode iz toaleta za uposlene i stambenog dijela objekta prikupljaju se zasebnim kanalizacionim sistemom i ispuštaju u mjesnu kanalizacionu mrežu.

Čišćenje septičke jame vrši se prema Ugovoru od strane firme «DELTA PETROL» d.o.o. Kakanj. Monitoring otpadnih voda se radi redovno. Uz zahtjev je dostavljen Izvještaj o ispitivanju kvaliteta otpadnih voda za septembar 2025. godine urađen od strane «Inspekt RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatovano je da je podnosilac zahtjeva, Mesarski obrt «MEŠA» vl. Mangić Mehmed ispunio minimum uslova za donošenje rješenja o vodnoj dozvoli za ispuštanje tehnoloških otpadnih voda sa lokaliteta objekta namjene - prerada mesa, proizvodnja suhog mesa i mesnih proizvoda u naselju Vjetrenice, grad Zenica, te je riješeno kao u dispozitivu ovog rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- Mesarski obrt «MEŠA» vl. Mangić Mehmed
Vjetrenice br. 28, 72000 Zenica
- AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava